

宋

會

要

宗室召試 仁宗皇祐元

年六月三日右清道率府率叔詔試于學士院中格特
賜進士及第遷右領軍衛將軍後特遣領文州刺史先

是叔韶上所業十卷并獻父克己饒陽集命試賜第進
官後又自陳以試入高等特進遥郎 三年六月二十
三日右屯衛大將軍克懷召試于學士院中格授右龍
武軍大將軍 九月四日右領軍衛大將軍宗原右監
門衛大將軍宗憲右領軍衛大將軍宗秀宗辦進所業
召試學士院中格遷宗原宗忠右屯衛大將軍宗秀宗
辦右武衛大將軍 五年二月二十四日詔太宗正司
宗室有能習詩賦文詞者以聞 五月二十六日詔宗
室進著述文字及乞就試或轉官者慮競習詞藻不專
心典籍今後如有諸經書內通得一經者差官試驗
六月十一日詔右龍府軍大將軍克懷候二年再與試

特只試兩題先是克棟上擬試發解詩賦詔學士院試
三題及是就試轉右衛大將軍克棟表辭新命乞依李
評例再試故許之 至和二年九月二日右龍武軍大
將軍克棟再試學士院中格命為左千牛衛大將軍十
二月二十一日賜右屯衛大將軍克敦錢三十萬以召
試學士院罷推恩也先是克敦進所業求試既而請以
二日程試詩賦論許之詔即更不推恩及試中格故有
是賜 嘉祐六年九月五日右監門衛大將軍文州刺
史叔韶進所業召學士院中格遷領辰州團練使
英宗治平三年五月二十三日右武衛大將軍文州刺
史叔襄進所業召試學士院中格遷領果州防禦使初

制宗室大學士年十五已上通兩經者太宗正以聞命
官試論及大義中者度高下賜出身或遷官至是叔夜
獻其所著春秋大義二十道論五首乃命台試 九月
八日右驍衛大將軍衛州刺史克孝進所業台試學士
院中格遷領高州團練使 神宗熙寧三年十月十二
日右武衛大將軍昭州團練使克願進所業台試學士
院中格遷領解州防禦使 五年五月八日右監門衛
大將軍仲英進所業台試學士院中格遷領文州刺史
九月十七日右武衛大將軍連州刺史叔教右監門
衛大將軍叔篆進所業台試學士院中格叔教遷領文
州團練使叔篆遷領雅州刺史仍特不隔理年取旨

六年七月六日右羽林軍大將軍巴州團練使仲碩進
所業召試學士院中格遷領沂州防禦使 七年五月
十五日中書門下言仲紹等令學士院召試今親伯宗
彥卒未審晷周尊長服內許與不許就試詔許就試
八月九日右監門衛大將軍仲真右武衛大將軍雅州
刺史仲紹右武衛大將軍彭州刺史仲瑄進所業召試
學士院中格仲真遷領文州刺史仲紹遷領開州團練
使仲瑄遷領榮州團練使 十一月二十五日右羽林
軍大將軍開州團練使仲淹右千牛衛將軍仲戡右千
牛衛將軍仲絨右羽林軍大將軍池州團練使世本進
所業召試學士院中格仲淹遷領文州防禦使仲戡仲

絳孟遷右監門衛大將軍世本遷領秀州防禦使 八
年正月十八日右千牛衛將軍令扁令志進所業台試
學士院中格並遷右監門衛大將軍 十月六日右武
衛大將軍資州刺史仲滂右武衛大將軍瀛州刺史仲
當右千牛戶將軍仲暹進所業台試學士院中格仲滂
遷領滎州團練使仲當遷領德州團練使仲暹遷右監
門衛大將軍 九年七月十三日中書門下言學士院
詔報檢會宗室試換未曾有試一中經體例今令始狀
自來習說毛詩未委于詩中如何次第指說篇段合說
多少字數今歡令學士院于本經內臨時簽貼二百字
以上當面講說以不悖義理為通從之 九月二十五

日右監門率府率令始學士院說經中格為太子中允
堂除監當差遣 元豐二年正月十七日詔宗室大將
軍以下願試者試本經及論語孟子大義共于六道論
一首大義以五通論以辟理通為合格 四月十四日
知制誥張瑄光祿寺丞陸佃赴祕閣攷試宗室 七月
三日右監門衛大將軍仲芮右千牛衛將軍叔盜令攝
令優令貫各遷一官叔盜賜進士出身並以祕閣考試
中等也 四年七月八日右監門衛大將軍汎之領嘉
州刺史右千牛衛將軍仲萬撫之令闕為右監門衛大
將軍右監門率府率叔瑁令每百之為右千牛衛將軍
汎之等並以祕閣試文論中等也 六年閏六月二十

八日右監門大將軍報之領文州刺史與之領雅_州刺史
士獲領茂州刺史右千牛衛將軍致之叔聚並為右監
門衛大將軍臨之道之子漪各遷一官試文論中等也
十月十三日右監門衛大將軍令綿為朝請郎賜緋
章服與親民差遣以祕書省試經義應格也 七年八
月五日右監門率府率子漪換通直郎祕書省試應格
也 八年十二月十四日詔右內率府副率士宇為承
事郎士琢為內殿崇班士宇試祕書省士琢試律皆應
格也 徽宗崇寧元年十一月十二日詔應宗室非祖
免年二十五以上許於禮部試經義或律義二道取文
理稍通者分兩等附進士榜優異者取旨其不能試或

試不中者讀律于禮部別為奏名止推一時之恩勿著
於令 高宗紹興八年三月二十一日中書門下省言
武節郎趙令芹累經朝廷陳獻文字皆有可采昨任潮
州兵馬都監本路監司韓瑱等四員列銜保奏乞與旗
文資兼本人係已預貢合還赴省試詔趙令芹令中書
後省召試時務策一道換授文資 九年正月二十六
日詔忠訓郎趙子嶷令中書後省試策一道依格與擬
文資 十年正月二十九日修武郎趙士毅言昨取到
福建路轉運司文解兩次以家難未曾赴試欲望特依
宗室令芹子嶷例換^授文資詔令中書後省召試時務策
一道特補右宣義郎 召試雜錄 太宗景德二年三

月十四日詔諸王公主近臣無得以子弟親族賓客求
賜科名時宰臣畢士安冠準以所親為請帝不得已而
從之因有是詔 天禧元年九月十九日詔承前多試
命官舉人止詩賦命題自今並問時務策一道仍別試
賦論或雜文一首 二十一日前守江州瑞昌縣主簿
劉若冲進詩賦十軸詔若冲試時務策一道仍于賦或
雜文或論中就本人所願更試一首應今後興試文字
人等並依此例 三年九月六日學士院言準詔大理
平事胥偃與試偃是歲度婿又錢惟演親戚欲乞下別
處試詔送舍人院試是後有親嫌者並如例 仁宗天
聖四年六月二十一日詔自今臣僚南郊聖節奏薦親

族只與合授官資不得乞試進士出身 七年三月二十
二日詔今後兩制試人令依舊試賦 八年十月十
九日翰林學士盛度言將作監丞王堯臣趙槩送本院
與試內堯臣是臣親家乞令宋綬等一面考試從之
十年四月十八日上封者言近歲以來獻文求試者多
已經名試又近并登臣有不因特詔非次舉官乞試望申條
約詔自今除寔有文學未嘗試及不因陳乞特旨與試
外其已經試者無得再獻文求試臣僚非次奏舉乞試
者勿聽 明道二年正月二十日光祿寺丞盛中甫馬
直方並自陳館閣讀書積年乞從帖職詔特給日食須
三年試充校勘自今不置館閣讀書員 景祐元年四

月十二日詔今後獻文字及恩例與試者只與出身同
出身 七月四日翰林學士承旨盛度等詳定到學士
舍人院試人等第文理俱高者為第一等文理俱通者
為第二等文通理粗或文粗理通為第三等仍分上下文
理俱粗者為第等亦分上下不及格者為第五等今後
兩制試人依此等第施行先是試人等有優稍優堪稍
堪平稍依次低下次七第至是度等改為五等云 四
年四月五日詔將作監丞富弼學士院試策論今後制
策登科人並為例 康定元年四月十日工封者言搜
進文字人所獻方畧事涉邊机并所試策多傳本于外
望令有司緘藏詔諭學士舍人院今後試人並須嚴密

無令漏泄自餘敕詞制誥章表不得傳寫于外 二年
八月十四日知諫院張方平上言請自今臣僚不得恩
緣恩澤陳乞子弟就試及兩制不得連狀舉官錄廳應
舉人望量加分數解送詔付兩制詳定以聞 二十八
日光祿寺丞錢暉上其父惟演掖垣集選學士院召試
詔自今後臣僚子孫所藏家集已經進獻外餘人不得
再進 慶厯三年六月四日帝謂輔臣曰自陝西用兵
以來策試授官人多矣其中甚有夤緣奏薦以希爵祿
者及以任州縣之職多無幹効亦有以賂獲罪如李元
振是也宜令今後進獻文字及臣僚奉舉之人委逐處
省詳定奪可否奏聞其與試人亦仰精加考較務在盡

公十一月二十六日詔今後見任前任兩府及大兩省以上官不得陳乞子弟親戚入館閣職事并讀書之類其進士及第三人以上一任迴日無過犯者許進獻該述經旨時務文字十卷下兩制看詳文理優通者進呈取旨內召試入優等者方補館閣職事如遇館閣少少供職即取曾有兩地臣僚二人或大兩省以上三人同罪保舉文學德行堪充館閣職事者令進所著該述經旨時務文字十卷依前項下兩制看詳等第進呈取旨四年正月二十三日詔自今臣僚毋得以奏蔭恩澤及所授命為親族乞賜科名及轉官升陟入通判以上差遣其親族嘗降官降差遣亦毋得乞以恩澤牽復

若因累而為更名奏蔭者重坐之 四月六日諫官上言館職闕人即乞朝廷先擇舉主方許薦人詔自後館閣闕官即據合舉人數降敕委學士院與在京龍圖閣直學士以上或舍人院與在京待制同共保舉有文學德行官員具姓名并所著該述經旨時務文字十卷以聞 七月二十五日學士院言殿中丞馬仲浦進所業令本院候今任得替廼與試勘會仲浦鏐廳已賜同進士出身詔更不試令審官院與免遠官 八年九月二十四日殿中侍御史何郊言近年大臣罷兩府任使陳乞子弟召試充館職或出身用為恩例望自今後館閣不許臣僚陳乞子弟外其陳乞及奏舉召試出身候有科

場與免取解及南省試令赴御前與舉人同試以塞私
俾詔今後臣僚言兒孫弟姪等乞出身及館職如有該
合恩例者類聚一處候及三五人送學士院試詩賦論
三題仍封弥謄錄考試其試官令中書具學士姓名進
呈點定仰精加考試候試到等第臨時取旨 皇祐元
年六月二十六日監察御史陳升之言切以三館職事
文儒之高選近時無復典故用人益輕遂為貴遊進取
之津要慶厯中嘗有詔旨今後見任前任兩府及大兩
省以上官不得陳乞子弟親戚入館閣職事熏曉于橫
恩復寢不用美官清秩為國者所以礪世磨鈍之具今
悉以私權貴之家天下寒俊何所勉進朝廷賢才何所

教育望申明前勅嚴為科禁澄汰濫進必清其選使在
位者皆得文行充寔之人然後舉行故事時因聞燕延
備訪問則于治體不為無益詔今後近上臣僚援例奏
乞子孫得試者如試中只與轉官或出身更不與館閣
四年六月十三日詔今後學士院試人據所試文字
依公考定不得假借優等 至和二年九月六日詔今
後未有科名人許試者並依舊條試三題 嘉祐元年
八月一日詔大臣自今毋得乞子弟及親戚召試出身
二年十二月十一日知諫院陳升之言比來館閣選
任益輕不足以備天子顧問而堪公卿之事近制舉人
進用不得專守舊比進士高科議者且循常調試其才

可然後升擢欲望朝廷約今館閣在職人數限為定員
其因任使特授者不以充數應二府及近臣每有論薦
並令中書門下籍其名若員有缺即取其間文學行義
傑然為衆所推者方得召試仍不許大臣緣恩例試補
親屬庶幾清途無濫者詔今後大臣舉官充館職令中
書且與籍記舉狀候在館員數稍多即于數內選定有
文行為衆所稱者取旨與試仍令學士院精加考較公
定優劣不得假借等第神宗熙寧元年八月二十六
日詔今後試館職只試策論更不試詩賦

全唐文

宋會要

懷德舊族

真宗咸平元年二月十一日賜故諫大夫劉保勲孫祕
書省正字世長錢十萬保勲太平興國中死王事至是
其妻卒故優恤之 三年七月二十九日康州刺史楊
允恭卒詔昇州賜錢二十萬絹百匹又以錢二十萬帛
五十匹給其家命楊州造第一區賜之王均之亂命尤
恭為荆浙江湖都巡檢使卒于昇州故優恤之 大中
祥符三年三月十九日賜故鄧州觀察使錢若水母漢
陽郡大夫人盧縉帛羊酒第前孟州河陽令若冲帛三
十匹副以藥餌若冲以僕人張和酤酒筭之退有怨誹

又笞之百數和夜竊長刀潛室中伺而害之斷其臂若
冲叫呼姪維周洎僕梁遠至皆為所害遠父信及門人
賈休復繼至皆被傷和將徑入堂室值門閉燭至就擒
詔磔和於若冲之門若水母年八十餘一子延年方數
歲帝憫之特遣使存恤焉四月二十九日出內府錢五
百萬太子少保呂端弟賜其子藩 先是藩以居第質

錢而三弟尚幼不與之同居帝聞而憫之故為贖還俾
兄弟同處且令歲藉其家用度之數送入內侍者 九
月八日詔襄州賜故盧多孫子察錢三十萬令葬其父
母 四年十一月詔選使臣一人管勾故太師趙普家
事時普妻和卒其家上言請遣使管勾家事故也 五

年四月二十日賜故翰林侍學士兵部侍郎楊徽之家錢十萬帛五十匹副以羊酒時徽之妻王卒帝以藩邸舊僚故優卹之將葬又賜錢十萬 七月十七日賜西頭供奉官李正言絹百匹錢二百萬正言故左千牛衛上將軍昱之孫也時正言女將出嫁故命給之李氏有田在常州官為檢校帝聞其宗族有不濟者詔鬻其田之半令各置資產以供贍之 八年六月遣內侍藍繼宗定奪潘美家資產務令均濟 先是美子惟正卒詔劉承規等掌其家財令贍給諸房凡吉凶慶吊悉令條列十餘年中亦有餘美其後盡以物產給付其家仍不許貨鬻至是美孫衛尉寺丞宗上言請以京中邸舍田

園之利均給故復遣繼宗往焉

八月二十四日賜故

相呂端子國子博士藩等錢三百二十萬銀三百兩金

一十兩又賜藩弟衛尉寺丞蔚聘財三十萬大理寺丞

苟除西京添支差遣將家赴任仍命留守寇準常切照

管無使失所如藩出京即房課委店宅務官為收掠籍

數付其家支外餘錢置籍收係如合支用即申樞密院

先是藩等貧窘至甚帝聞而憫之會藩等進納居第

願賜錢以償逋債帝遣內侍計其所負息錢及金銀悉

如其數賜之天禧二年二月二十五日虞部員外郎

畢世長丁母憂給俸終喪仍賜緡帛緡錢世長故相士

安之子以藩府之舊故優卹焉四月詔訪聞命官使

臣有任滿及移任之後身亡其家屬寓于任所或別處
州縣居住幼累無託不能還鄉里者委所在官司差人
護送還鄉無令失所 四年八月二十七日詔故相向
敏中家產日費令內侍省命使檢校之十二月二十七
日賜故左諫議大夫參知政事李穆家錢十萬時穆子
祕書丞致仕惟簡卒其妻魏表言家貧不能具葬事故
也 仁宗天聖元年十一月十四日詔故衡州司馬寇準
許歸葬西京準妻陳氏故也 四年閏五月二日內殿
承制趙從約言李家教授知潭州湘鄉縣事李延仁與
轉官鄉差遣中書門下言從約即趙普之子先帝以
本家兒男幼小闕人照管特許延守本官在彼教授今

從約長立有此陳乞照延與職事官 九年十月四日

故崇信軍行軍司馬曹利用妻李上言夫沒之後家族

無庇四子先各降兩官望賜牽復詔長子沔特與近便

差遣餘罷之 明道三年十一月六日詔令河南府勘

會寇準本房兒孫見有幾人食祿未食祿具官名以聞

七日詔以準少親兒男其壻屯田員外郎張子臯特復

直史館令齋官告焚黃往河南府給付本家仍破係官

料致祭 景祐二年四月十七日詔故曹利用兒男久

從降繼並替赴闕朝參如年小願在彼亦聽九月二十

三日福建路轉運使龐籍言昨知臨江軍竊見故兵部

員外郎直史館蕭貫是新喻縣人本家產業多為人力

欺隱子孫尚幼乞下軍縣覺察其稅物亦望今後特勉
折變只納本色詔與免五年折變仍仰軍縣常切照管
三年七月二十一日懷州言準詔分析盧多遜墳塋
莊田舍屋詔並給與盧察四年閏四月十五日編排
錄用所言贈太傅中書令寇準孫乞錄用未敢依例詔
特與守將作監主簿九月二十七日詔丁謂孫僑為將
作監主簿蘇州側近監當差遣皇祐二年正月二十
五日詔故宣徽使鄭戩家令常州借係官空解舍居住
仍量修整六月十一日詔故天章閣待制杜杞第二女
許服內成親令江寧府借官舍三十間本家居止至
和元年十一月詔故資政殿學士范仲淹家許州所居

官舍服闋許令權居從其子光祿寺丞純仁所乞也

嘉祐元年十一月二十二日復內殿崇班周永清為閤門祇候永清因養子凶悍欲訴其家事自言其祖美嘗作子奏之奪閤門祇候至是知并州龐籍言美有戰功身後唯一孫特復之 七年五月詔故侍講學士楊安國家所居濟州官舍候服闋許再居三年從宰相魯公亮所請也 神宗治平四年己卯位未改元八月二十一日遣內侍馮德誠往護故知秦州樞密直學士蔡抗靈柩家屬歸南京 熙寧元年五月十五日手詔樞密直學士給事中呂洙立朝最孤知事君之節絕跡權貴故中廢十數年無人肯為達之者朕近擢領要務頗著

風績今忽淪亡甚可嗟悼又湊素家貧一子幼騃遭此大禍必至狼狽可今有司比本官常膳之外量與優給及一行葬事官為辦集庶示將來以勵臣節仍令屯田郎中新知秀州張次立管勾葬事令楊州漕官舍居住候服闋依舊九月十九日詔訪聞資政殿大學士吳奎葬事及本家闕人照管慮孤遺失所今京東轉運使陳汝羲就照管既而汝羲權知青州委轉運孫琳幹其事二年五月一日詔遣內臣一員乘驛往三泉縣護新知成都府邵必喪及照管本家骨肉三年九月二十一日詔遣使護新知成都陸詵喪如例七月二十七日詔遣內臣一員乘驛往環慶路護安撫使王舉元喪仍

令河南府借官舍不得過四十間至其服闋十月十九日詔遣使護定州孫長卿喪揚州借官舍如例四年三月十九日詔勲臣之後雖有致仕官依無人食祿推恩先是明堂赦曾任兩府及節度使之家明有勲德而後嗣無人食祿者其子孫量材錄用既而有司以致仕官為食祿故有是詔閏七月詔故侍讀學士鄭獬家今安州借官舍居住不得過四十間候服闋依舊從權淮南轉運副使劉瑾所請也十二月詔故知制誥錢公輔家令常州借官舍三十間居住候服闋依舊六年十一月二十五日詔西上閤門使知林州蕭誼昔常有功今卒賜本家絹三百匹九年三月十六日改三班差

使郭開三班借職開贈節度使進之孫叙進從宋朝尅
復河東之功乞換文資故有是命 元豐元年五月十
四日詔以開封府界戶絕田二十頃賜曹利用家自今
毋得更有陳乞 以內殿崇班宗奭言仁宗察知利用
非罪嘗還其已沒財產尚有在京屋租河陰滎澤等縣
田為西太一宮洪福奉先慈孝等常住及入左藏庫銀
雜物乞盡給還故也十九日詔內殿承制符守臣先借
拱聖營官舍更許居十年以守臣叙懿德皇后家故也
八年四月十四日以左侍禁權融州王口寨監押杜
臨左班殿直權誠州渠陽縣尉杜震之弟講為三班借
職 先是臨震乞以招安及戰功轉官減年回授講官

而朝廷委本路轉運司審問乃知遘昭憲皇后親弟審
進之後故有是命 哲宗元祐元年八月二十二日擢
趙普曾孫西京左藏庫使思明為西上閤門副使從劉
摯等薦也 六年四月二日三省言吏部奏供備庫副
使趙思復乞以磨勘轉西京左藏庫副使一官回授男
三班差使希元轉借職詔思復為是趙普之後持回授
餘母得引例 徽宗元符三年己即位未改元三月二
十三日詔以趙普社稷殊勲其後嗣職任未甚清顯或
孤遺未食祿者特與官其一子文思副使趙思恭為西
上閤門使閤門通事舍人趙希魯為西上閤門副使左
藏庫副使趙思忠為閤門通事舍人四月九日相州觀

察使真定府路副都總管曹評奏恭惟慈聖光獻皇后
於仁宗倦勤之際方皇儲未建之時決策禁中輔翊英
宗皇帝傳萬世之洪業英宗皇帝特於先臣侑每加恩
禮逮至神考恩數日益加隆人臣莫比不幸身薨之後
止依例得骨肉恩澤自元祐以迄紹聖不敢自陳若先
臣得薨于熙寧元豐間必有殊常恩禮流及於臣今幸
遇陛下誕膺駿命伏望特降睿旨推行先臣侑身薨日
合得恩命尚觀宸衷家世再蒙雨露之恩詔曹侑諸子
每名特與白身恩澤一名十一月八日詔賜太傅王安
石妻越國夫人吳氏江寧府官屋六十間以安石舊京
師賜宅一區已納朝廷故有是命 政和三年六月十

卷一萬九千六百五十一

七日故通奉大夫知陳州宋喬年今所屬應副薨事借
官舍不得過十間候服闋日拘收以喬年祖庠嘗相仁
宗又以奉行新法首先就緒故也 宣和二年正月三
十三日詔蔡確可封郡王賜第一區百間長子懋除延
康殿學士提舉醴泉觀莊除侍郎女與淑人婿三人各
轉一官與堂除升等差遣確弟碩與落罪籍贈徽猷閣
待制長次子改合入官並堂除升等差遣次子未有官
與迪功郎女已有封號遷二等未有封號並與封號婿
白身者與初品官已有官轉一官燕達向宗回李嗣徽
閻守懃皆佐建立謀議亦可嘉錄特與本宗有服親初
品官一名以確等輔立哲宗元祐間被謗竄斥故有是

命詳見再贈官門

六年八月十八日以收復燕雲大

救天下應曾任宰臣執政官及節度之家明有勲德載
在史冊者見今後嗣無人食祿如有子孫許於本貫州
府投狀委長吏以下勘會詣實保明聞奏當議量行錄
用若係宋朝以來勲臣即雖不曾任前件官亦依此施
行 高宗建炎元年五月二十二日簽書樞密院事曹
輔妻永嘉夫人張氏言夫欲扶護歸南劍州沙縣營葬
本家別無食祿止有親戚何昌辰乞本路一差遣應副
葬事詔通直郎何昌辰差通判南劍州 三年三月十
六日詔轉運使范冲見患以司馬光家屬在冲家可特
給寬假將治三月六日又詔范冲見存養司馬光親屬

今具每月合用錢米申尚書省取旨特給如有長成子弟亦具名聞奏當議量才錄用 八月十七日宰執進呈上曰如今奉使要如王雲者豈易得丙午冬朕與雲同奉使時親見雲通夕不寐理會明日合行事朕乘馬日馳二百里唯雲未嘗不追逐堪耐勞苦文臣中猶罕得念之可惜聞有一弟呂頤浩曰其弟見在東京係職方郎官上曰令召來當以一差遣與之 四年三月二十三日詔温州所借故尚書右丞許景衡妻胡氏居沒官屋十五間可特賜其家先是進呈温州言其家所借屋以服闋合拘收上曰自朕即位以來執政中張慤第一忠直至誠遇事敢言無所回隱其次則景衡若郭三

益則善人而已參知政事王綯曰張慙嘗語臣景衡持
論平直獨異他人且愛其孤忠莫助臣以是知景衡趣
向與慙略同首言渡江被章論列罷政身沒而言始驗
誠如聖諭故特有是詔也八月二十二日詔故端明殿
學士簽書樞密院事鄭穀特依先降指揮賜田一十頃
屋五十間先是有詔賜田一十頃并屋五十間呂僚
上言以謂國家故事執政大臣非有勲勞於社稷不輕
賜田宅所降指揮不行至是其男璵再有陳請故也十
月二十二日詔故中書侍郎張慙忠實剛毅乃心王室
淪沒之後念之不忘而其子瑜久已服除尚此家食夫
相子負薪優臣致請表安之善慶鍾累葉三省可與差

遣 紹興元年十月二十九日詔特令吏部差將仕郎

程易充洪州分寧縣令填見闕限三日前去赴任合帶

階官依條施行 以中書門下省言易係元祐黨人程

頤之孫及父端中昨守六安軍有功身亡其端中三子

易等功效尤著朝廷已與推恩外如有成材者具名以

聞當器使之洪州分寧縣係殘被去處知縣久闕正官

未曾差人特有是命十一月三日詔觀文殿大學士通

議大夫何臬嘗任尚書右僕射初除罷政恩例並與給

還其男令問姪令崇令張浚存恤以吏部言何臬初罷

政恩例未曾收使故也 二年四月十七日詔自建炎

以來執政近輔張慤最鯁直本家流寓閩中失所其子

瑜新差通判韶州待闕已久可特改添差通判台州任
滿更不差人 三年正月十九日詔故慶遠軍節度使
邢煥本家於湖州選地安葬無人主管辦集親弟武德
郎閤門宣贊舍人主管亳州明道宮邢蓋臣特改添差
兩浙西路兵馬副鈐轄湖州駐劄候任滿更不差人令
湖州量行應副葬事二十六日詔故右金吾衛上將軍
朱孝孫令轉運司應副葬事從其女朱氏請也三月二
十七日詔歐陽興世係仁宗皇帝朝參知政事歐陽脩
之孫召赴都堂審察四月八日詔責授昭信軍節度副
使惠州居住徐秉哲許令歸葬其弟國學進士秉慶言
秉哲在路身死也十三日詔故起居舍人直龍圖閣尹

誅曹孫將仕郎尹錫特令吏部擬帶階官差監潭州南
嶽廟任使居住以錫母言流寓浙西衣食不繼故也六
月十六日故資政殿學士左太中大夫吳敏祖母韓氏
狀有孫叙係儒林郎於宣和八年蒙除南京敦宗院教
授未赴任間捨俗為僧今來韓氏年老別無人侍養囊
橐一空流寓異鄉不能自活欲望乞令叙歸家侍養給
還舊官陶鑄一嶽廟差遣詔特依所乞吳叙與給還舊
官具嶽廟令本家其恩例陳乞十七日詔右通直郎蘇
石老係第二任知州資序係舜欽之孫令吏部先次與
近見闕通判差遣一次二十一日詔參考國史應祖宗
朝開國功臣勲德卓越者求其世家訪其子孫量材錄

用如有上件勲臣之家不能自存子孫仰齎于照文字
經所錄自陳仍令本處看驗詣實保明聞奏 四年三
月八日詔將仕郎梁環特差監潭州南嶽廟任便居住
合帶階官令吏部依條施行 先是故尚書左丞梁燾
女言先父在元祐間執政後與司馬光同時責降竄逐
嶺表死於貶所蒙朝廷給還先父在丞合得恩澤奏補
男環將仕郎未得差遣故也五月二十六日詔登仕郎
錢伯牛依例令吏部先次與合入差遣以伯牛言父勲
元豐七年蒙神宗皇帝擢為中書舍人 紹聖元年哲宗
皇帝擢為翰林學士兩使絕域四尹天後在元祐刻石
黨籍責守池州在任身亡迎侍老母徙居江浙貧窮失

所日不聊生乞依元祐黨籍人子孫例除授差遣故也
五年閏二月十一日詔武經大夫狄琥特主管江州
太平觀以狄青之孫應詔陳乞從其請也四月四日詔
王怙特令吏部先次與註授合入差遣以其祖覲係元
祐黨人故也二十七日詔川陝宣撫副使盧法原近已
身故其家屬見在閬州竊慮別致失所令川陝宣撫使
司取會本家願往去處量差人兵支給路費委有心力
使臣照管津發前去七月二十五日詔贈韓王趙普五
世孫承節即趙珪時賜兩官除閤門祗候令額外供職
餘人不得授例 先是有詔趙普佐命之勲猶漢蕭何
令子孫流落所宜憫卹令諸州郡博加尋訪如法律遣

赴行在量才錄用至是珪在鬱林州本州津遣到齋普
畫像并所上幽州奏議錄白道君皇帝批荅及皇宋龍
飛故事共三道投進故也十月十五日詔右迪功郎陳
淵差充樞密院編修官以給事中廖剛中書舍人胡寅
戶部侍郎張致遠中書舍人朱震言淵故贈諫議大夫
瓘之諸孫有學有文曉達世務自瓘在時器重特甚垂
老流落因於飢寒負材未試善類嘆惜乞特賜收召少
加任使故也 七年八月二十四日詔兵部尚書呂祉
叛將所執迫使渡淮堅守忠節罵賊而死贈官與恩澤
外特派差親屬差遣一員令本家陳乞仍於所在州軍
依條借官屋四十間居住 八年七月十六日詔張綸

持添差兩浙東路安撫司準備差遣仍釐務任滿更不差人 以奉使金國迎奉梓宮使王倫言比司馬朴在軍前守節不屈虜人欽重談不容口非但以其文正溫公之後乞加優卹其婿張綸久困小官難於祿食乞特賜收錄以示撫存庶為忠義之勸故也 九年七月二十一日詔保平靜難軍節度使開府儀同三司四川宣撫使吳玠薨借官屋五十間令本家居住宣借人許依格存留仍許陳乞親屬差遣二人令本路漕司應副葬事 十年五月十二日詔觀文殿學士左金紫光祿大夫提舉臨安府洞霄宮李綱葬事令所在州軍量行應副 十一年九月七日詔將仕郎姚小彭特添差福建

路安撫大使司準備差遣仍釐務以故資政殿學士
左中大夫顏政妻孫氏言亡夫厯事三朝頃自北道副
總管擢任大元帥府參議官俾預機政自後寓居福州
不幸身亡流落異鄉葬事未辦亡夫親外孫將仕郎姚
小彭伏乞添差一差遣管幹葬事故也十八年二月
二十二日詔責授清遠軍節度副使趙鼎卒于吉陽軍
許令歸葬二十五年十月十六日詔左朝散大夫洪
興祖昨緣罪犯編管昭州卒許歸葬從其子歲請也三
十日詔秦檜葬事令江東轉運司應副以其子燬言歸
葬建康府故有是命二十六年正月二十一日詔責
授散官南安軍安置解潛卒特許歸葬以前權通判衡

州王義朝言潛係建寧軍承宣使歷事四朝十任方面
緣與大臣不合致罪其子先以物故諸孤零丁遠鄉故
有是命 二十七年十一月五日詔故中書舍人趙遠
歸葬蜀中令沿路轉運司量行應副津遣 二十九年
五月十二日詔右迪功郎大理司直劉芮與改右宣義
郎差主管台州崇道觀以宰執言芮係元祐宰臣劉摯
之孫恬靜有守廉於進取以疾辭職乞岳廟差遣故也
八月二十三日詔故太師京兆郡王杜審進孫信見依
白身與依杜子善等體例支給孤遺錢米從中書門下
省請也三十一年八月三十日詔故檢校少傅保信軍
節度使開府儀同三司致仕贈少師汪伯彥孫德範狀

父召錫前任右通直即直祕閣被罪編管容州已經五
年兩過恩赦今已身亡乞許令歸葬從之十一月十二
日詔端明殿學士左中奉大夫致仕折彥質卒見就潭
州營葬合破宣借兵士候葬事了日解罷潭州依舊支
破請給 孝宗乾道四年五月二十三日臺諫奏言故
太師定國公潘承祐曾孫宗超邀駕陳訴承祐教葬並
賜醮田及本家買到義莊并祖撥到功德咸平院田為
江仰冒佃等事得旨審問今按國史潘慎脩父承祐先
仕偽閩後歸江南仕至刑部尚書或稱潘太師必其子
孫累贈至此慎修開寶末歸朝事太祖為太子右贊善
大夫事太宗為同修起居註事真宗為右諫議大夫翰

林侍讀學士世系歷官可考今咸平院敕額係敕賜咸平報慈院即是慎脩所請其父功德院名額又有捨田疏及賜田敕黃并左右史牒則是慎脩任修註日文字其敕黃已經齋詣本路提刑司驗訖付還緣僧清惠路死去失如此則賜田敕黃不可謂無建炎之初范汝為作過如僧徒與之交通即合追治僧徒別召名僧主之而其子孫零替無人陳理官司毀拆屋宇盡取田畝山地召人承買更不分出潘氏賜田及慎修撥到功德院田與宗超家買到義莊田例皆拘籍江仰以錢二千貫止作四百餘畝承佃為業後御史臺委戶部即官看定佃買不當告示江仰不得再有陳訴而仰依舊詣朝省

陳論送大理寺定斷却行給還令乞將元給賜田二百畝并買到義庄田四百餘畝見有印押錄白契書照驗者並給還潘宗超所有撥到咸平功德院田百畝已捨贍僧僧既犯罪拘籍召人承佃不許論取令於祖墳內畫出禁界無致侵犯如此則祖宗舊臣撥賜田畝不至侵奪亦足以收恤貧弱子孫從之 六年八月二十六日吏部言故右朝請郎富樸司馬備皆以致仕恩澤蔭補其子緣樸初因宣和中進神考御劄備因建炎中錄司馬光之後各特補官並是先朝元老之家兼非泛七色之數而拘於近降集議指揮未許奏薦詔令吏部依條施行 淳熙五年閏六月五日廣西經略安撫使周

自強言昨江西提刑芮輝奏入廣官員歿於官所孤遺
扶視以歸所至州縣略不加恤本司移文南安軍就本
司錢內計口支錢接濟仍令船塢造船般載出贛俾不
至狼狽欲使二廣有願歸鄉無力起發者支錢津發至
南安軍却行接濟乞下二廣帥司推廣而行之本司緣
無合支窠名錢今買到番禺縣田畝人戶請佃令組價
納錢得五百餘貫於廣州置接濟庫委官兼監如有貧
乏之家下接濟庫支錢顧船送至南雄州願請錢人聽
仍量人口支錢助雇夫却般挈出嶺從之七年十二月
二日臣僚言二廣士大夫孤遺欲歸者乞令江西湖南
漕司於出嶺之地措置舟船及錢物計口接濟二廣帥

呂措置錢米給之津發其行從之

七月二十五日詔故

太尉威武軍節度使李顯忠家每歲賜米三千石更給

三年從其妻請也

七年五月六日詔王康成令吏部

與添差差遣一次宰呂奏成忠郎王康成國初勲臣審

琦之孫又係戚里乞甄錄故有是命

八年七月二十

七日詔故勲臣司徒侍中魯國公贈尚書令兼中書令

范質後嗣無人食祿八代孫庠補將仕郎

以吏部奏質

後嗣無人乞依明堂赦錄用故有是命

十年正月二

十九日詔趙普六世嫡孫武節郎滋差成都府路兵馬

都監

滋兩任路鈴引赦陳請故有是命

十一年十二

月十三日宋朔除刪定官

上謂輔臣曰昨日已與宋翔

卷一百九十五

循資添差不知傳洪等所為更說甚事王淮等奏洪等
言其協贊職事又是宋庠之孫往往念其故家故有論
薦上曰中朝人在此亦少宋州可其職事官如刑定之
類故有是除

淳熙十六年閏五月二十九日詔從義
郎郭林秉義郎郭掄並除閣門宣贊舍人以安穆皇后
親姪故有是命

紹熙二年八月十六日詔承直郎賀
承祖特添差兩浙路轉運司臨安府造船場仍釐務以
承祖奏家世係藝祖皇帝潛邸后族直下子孫叨冒恩

例累朝不絕故也

十月十四日詔武節大夫閣門宣贊

舍人潘師高特添差幹辦儀鸞司

以皇太后親妹之子

故有是命

宋會要

卷一百四十五

太宗雍熙三年正月十九日祕書省著作佐郎史館編
修樂史上表自授京秩集纂文書前後計一百四十五
卷乞改編修之名為史館之職詔為著作郎直史館
七月十六日淮南轉運副使向敏中直史館依舊充副
副使 四年九月五日右拾遺趙昂上表獻修習翰林
制詰冊書赦文御批批答及編諫藪嘉言並外制詞乞
賜職名詔直史館 淳化元年八月二十三日太子中
允和嶠上表獻皇宗御前七勝及第進士姓名記及編
注父疑所撰孝悌記諫十編詔直集賢院 十一月十
二日右司諫梁周翰上表乞於館殿之間俾豫鈔槧翰

林學士宋白等言周翰雄文與學才敵數人昭文集賢
未有學士若以處之雅符公議詔充史館修撰 二年
七月二十四日吏部侍郎兼祕書監李至言闕官讎校
倉部員外郎潘慎修欲乞俾直祕閣詔直祕閣 四年
閏十月二十四日右諫議大夫張昞上表獻聖翰譜及
以所學行草篆書寫御製詩乞預祕閣讎校詔充史館
修撰 十一月八日禮部員外郎宋湜左正言王禹偁
各直昭文館 五年七月二十日將作監丞孫何直史
館仍賜緋魚袋 至道三年七月二日知制誥梁周翰
等言虞部員外郎前史館檢討董元亨乞賜還職詔充
史館檢討 八月二十三日光祿寺丞楊岵直史館

九月八日太常博士盛玄直史館 十月三日都官郎
中黃夷簡上表自陳故吳越王僚佐嘗勸王入朝詞甚
懇激詔直祕閣 十二月十六日右正言晁迥直史館

真宗咸平元年二月二十五日前舒州望江縣主簿
葉圭為大理評事祕閣校理從祕書監楊徽之舉 四
月十三日光祿寺丞張廉疑直史館 二年三月一日
著作佐郎戚綸充祕閣校理從祕書監楊徽之舉 六
月十二日祕書省正字邵煥於祕閣讀書從煥自請也
三年二月二日太常丞宋舉直集賢院 五月十八
日著作佐郎任隨直集賢院 六月二十七日太常博士
李維直集賢院 七月二十一日殿中丞石中立直集

賢院 四年二月二日西川轉運使兵部員外郎馬亮
直史館領使如故 五日太僕少卿錢惟演上表獻東
京賦詔直祕閣 八月十三日太常丞陳堯佐直史館

五年二月三十日將作監丞陳堯咨為著作郎直史

館賜緋 三月七日將作監丞周起為著作郎直史館

賜緋 五月二十七日祕書郎李夷康為太常丞直史

館 六月六日將作監丞朱翼為著作郎直史館 十

一月二十二日職方員外分司西京樂史以郊祀畢奉

留司表入賀帝召見之以其年七十餘筋力不衰篤學

好著書詔復直史館 景德元年正月二十九日祕書

丞陳彭年直史館充崇文院檢討 八月二十六日太

子中允崔遵度為太常丞直史館 二年三月二十三
日將作監丞王曾為著作郎直史館賜緋 十月十九
日將作監丞陳知微王隨並為著作郎直史館賜緋
大中祥符元年九月十三日龍圖閣直學士杜鎬等言
大理寺丞韓允堪充檢討詔充崇文院檢討 天禧四
年二月二十三日翰林學士錢惟演言男光祿寺丞媛
先蒙召試進士及第乞與改館閣名目詔特與館閣校
勘餘人不得援例 八月四日翰林學士楊億等言準
詔於京朝官內同奏舉博學有行止無過犯三兩人間
奏今舉著作佐郎陳詒大理評事王宗道詔並充崇文
院檢討 乾興元年仁宗已即位未
三月三十日

權刑部詳覆官光祿寺丞馬季良言幸遇陛下明離出
震繼體承乾乞校理之內得預末員詔充祕閣校理
天聖三年十二月十九日贈太師中書令王欽若妻李
氏言婿大理評事張瓌進士登科伏望特與校理職名
御批批為欽若無子張瓌與充祕閣校理 四年五月
十六日樞密副使張士遜言男大理評事友直乞於館
閣讀書詔從之仍據見員外今後更得添置 六年二
月二十六日定王府記室參軍刑部郎中康孝基上言
前後宮僚例帶館職望稽典故俾登深嚴詔直史館十
一月十六日太常少卿知滑州李穀充集賢殿脩撰仍
舊七年二月二十七日太常少卿知永興府胡則直昭

文館仍舊十一月二日兵部郎中孫中直史館知河中府八年正月十八日太常少卿知廣州狄棻直昭文館仍舊九年正月二十三日翰林學士盛度子奉禮郎申甫獻文求試詔許於館閣讀書九月八日右正言陳執中直集賢院十年三月五日詔祠部郎中任希直史館知荆南府二十五日宰臣張士遜言西京轉運副使蘓耆望賜文館職名詔直集賢院七月二十八日河北轉運使屯田郎中李繹為刑部郎中直史館知延州明道元年十二月八日職方員外郎陸參充崇文院檢討二年六月五日祠部員外郎李溥自陳進士第三人及第乞帶官職詔令直集賢院溥性昏狂不

甚曉事朝議不以文翰任之至是久次執政為之地乃
始帖職議者不以為宜 二十一日宰臣李迪言婿著
作佐郎張克乞於館閣讀書詔特許之不得為例 景
祐元年正月十三日刑部員外郎河北轉運使王公上
表獻春秋集傳十五卷帝嘉其好學降勅書獎諭仍令
直昭文館 二十四日兵部員外郎黃總為工部郎中
直史館知延州 二月十三日兵部員外郎知鳳翔府
司馬池直史館依舊三月二十四日開封府判官度支
郎中任中師直史館知澶州 四月四日開封府判官
殿中侍御史段少連為刑部員外郎直集賢院 六月
二十七日中書門下省言太常博士李東之先於學士

院試賜同進士出身館閣校勘詔直集賢院知邢州

東之宰相迪子天禧末迪罷相斥逐東之落職迪復相東之自陳於政府奏乞檢會乃除直院公議非之 二

年正月二十七日京東轉運使刑部郎中楊日嚴直史館充益州路轉運使 四月二十一日荆王府記室參

軍工部郎中判司農寺任子輿言臣年七十有餘哀暮

乞京東知州一任詔特與直史館 八月二十五日兵

部員外郎陸若冲直史館知蕪州 三年正月二十九

日職方員外郎鮑亞之直史館荆王府記室參軍 四

月二十三日右諫議大夫俞獻卿為集賢院學士知杭

州 五月二十五日開封府判官侍御史韓漬為刑部

員外郎直史館知澶州

七月十一日權開封府判官

工部郎中王軫上表獻五朝春秋詔直祕閣十九日

左司諫高若訥直史館仍舊供職四年十月十九日

兵部郎中劉賡為太常少卿直昭文館知廣州五年

二月六日淮南轉運使刑部郎中李昭通直史館仍舊六月

十八日刑部郎中判監鐵勾院張億直史館知蘓州兵

部郎中判戶部勾院李應言直史館知荆南府康定

元年六月十七日著作佐郎趙師民充史館檢討六

月二十五日知潭州度支郎中賈昌齡為太常少卿直

昭文館知廣州十一月四日太常丞田况直集賢院簽

書陝西經畧安撫判官公事仍賜緋二十五日知湖

州祠部員外郎滕宗為刑部員外郎直集賢院知涇州
十二月十六日太子中允簽書經畧安撫判官公事
尹洙充集賢校理仍舊二年三月二十三日刑部員外
郎知制誥蘇紳言著作佐郎張方平兩登制科乞與召
試詔方平不須試可直集賢院 四月七日屯田員外
郎劉渙為刑部員外郎直昭文館秦龍路招撫蕃落使
仍特賜紫 八月二十七日淮南轉運使兵部員外郎
劉夔直史館知陝州 慶曆二年正月六日兩浙轉運
使兵部員外郎李定直史館充益州路轉運使 三月
二日工部郎中張洎直史館知陝州 三年三月二十
二日御史中丞賈昌朝言國子博士孫瑜公廉勤幹堪

四月條移
十二月前

充館閣檢討詔充崇文院檢討十一月二十六日兵部
員外郎徐的為工部郎中直昭文館依前江淮制置發
運使 四年三月七日金部員外郎楊安國直龍圖閣
兼天章閣侍講賜紫祕書丞充史館檢討趙師民天章
閣侍講賜緋帝曰安國師民醇儒也乃昔時崔遵度之
比久侍經筵各宜進職又以安國母服除貧賜之以銀
百兩 十二月二十一日樞密副使韓琦言國子監直
講太子中允石介乞召試館職詔直集賢院兼國子監
直講 四月四日京西轉運使虞部員外郎杜杞為刑
部員外郎直集賢院充廣南西路轉運使兼本路安撫
使先是宜州言本管環州蠻賊歐希範偕稱桂王歐正

辭僭稱桂牧攻眾州殺官吏故命杞充使 五年四月

三日河東轉運使司封員外郎夏安期直史館充河北

轉運使 五月二十九日右正言錢明逸直集賢院

十月二十五日工部郎中鄭驤直史館河北轉運使

六年二月五日三司戶部副使兵部員外郎趙及為刑

部郎中直昭文館知衛州 五月十九日知鳳翔府工

部郎中張旨直史館知梓州 八月二十八日監察御

史唐詢為工部員外郎直史館 七年正月二十一日

三司度支判官侍御史陝西提舉計置使余仲簡為兵

部員外郎直史館知陝州 二月二十七日宰臣陳執

中言屯田員外郎解賓王寒苦登科勤瘁舉職欲望試

其所長詔充崇文院檢討 同日刑部員外郎知諫院
王賁為起居舍人直史館同判司農寺依舊知諫院
皇祐元年三月十九日三司戶部副使刑部郎中向傳
式為太常少卿直昭文館知亳州東染院使楊畋為屯
田員外郎直史館 五月六日前益州路提刑度支員
外郎高惟幾直史館知梓州 六月十七日右司諫錢
彥舉為起居舍人直集賢院知諫院 二十三日河東
轉運使任顥直史館賜金紫仍舊 十一月二十四日
判大名府程琳言殿中丞國子監直講王純臣乞備經
筵顧問之職詔充崇文院檢討二年二月十一日兵部
員外郎呂公弼直史館充河北轉運使 七月十六日

太常少卿皇甫泌直昭文館知鄭州 三年四月二十

二日京西轉運使兵部員外郎田京直史館知滄州

四年正月七日淮南路體量安撫起居舍人同知諫院

陳升之直史館依舊知諫院起居舍人吳奎直集賢院

依舊知密州 二十三日兵部郎中齊廓直史館知荆

南府 二十六日翰林學士趙槩等言刑部郎中江東

路轉運使張沔早居臺省頗聞清慎詔直史館仍舊

三月六日太常少卿張子憲直史館知汝州 六月十

五日淮南轉運使工部郎中王達直昭文館知越州

七月八日荆湖北路提刑太常博士祖無擇直集賢院

充廣東轉運使 十一日京東轉運使工部郎中宋禧

直史館知梓州 五年八月十六日翰林侍讀學士呂
公綽言弟都官員外郎知單州公著頃因先臣致仕恩
例乞試蒙俟得替取旨後經三任十年未嘗有所干述
詔公著充崇文院檢討 十一月二十一日殿中侍御
史唐介為工部員外郎直集賢院 至和元年十一月
二十四日京西轉運使刑部郎中陳宗古直史館再任
二年三月二十一日翰林學士群牧使楊偉等言判
官殿中丞王安石文行推高乞除職名供職中書門下
檢會王安石累有旨召試本人不願詔特充集賢校理
安石固辭不拜 八月十四日翰林學士承旨孫朴等
言大理評事韓維欲望老充檢討詔充史館檢討 十

二月二十二日侍御史梁檣為刑部員外郎直史館知
襄州 嘉祐二年四月二十八日光祿卿呂居簡為右
諫議大夫集賢院學士知梓州 三年九月十五日起
居舍人毋湜直史館充兩浙轉運使 四年五月十九
日中書門下言三司度支判官祠部員外郎王安石累
除館職並辭未改今取旨詔與直集賢院 六月七日太
常博士陳洙太子中允王陶大理評事趙彥若杭州於
潛縣令孫洙並充館閣編校書籍 編校自是始置
須供職二年即奏取旨後皆充館閣校勘 七月九日
屯田員外郎知渠州龔鼎臣編校史館書籍 八月十
八日國子博士傅卞編校集賢院書籍仍候天章閣侍

卷二萬四百八

三七

講有關差充 八年五月十五日都官郎中編校昭文館書籍孟恂秘書丞編校祕閣書籍孫思恭並充祕閣校理大理評事編校昭文館書籍趙彥若杭州於潛縣令編校祕閣書籍孫洙並充館閣校勘 九月十八日殿中丞編校集賢院書籍錢藻充祕閣校理太平州司法參軍編校史館書籍曾鞏充館校勘太常博士知越州諸暨縣丁寶臣編校祕閣書籍治平三年五月寶臣充祕閣校理 英宗治平元年九月二十二日屯田員外郎周孟陽直祕閣同知太常禮院 二年正月九日編排中書諸房文字屯田員外郎王廣淵直集賢院二十四日皇子位翊善邵亢直史館兼判司農寺 二

月二十八日侍御史知雜龔鼎臣充集賢殿修撰知應天府五月十一日右諫議大夫孫長卿兼集賢院學士充河東轉運使九月二十五日宣州涇縣主簿林希編校集賢院書籍楊州司理參軍沈括編校昭文館書籍括熙寧元年八月希三年五月並充館閣校勘十二月十五日陝西轉運副使司封員外郎蔡挺為工部郎中直龍圖閣權知慶州三年五月二十七日太常少卿齊恢直昭文館充穎王府翊善八月十三日秘書少監王綽為殿中監直龍圖閣十月五日河北轉運使沈立充集賢殿修撰知滄州十一月三日知徐州光祿卿李士先直昭文館知荆南府以上國朝

會要治平四年四月五日神宗已即位未改元度支郎
中知兗州李師中直史館知鳳翔府七月十九日著
作佐郎克三司檢法官呂惠卿編校集賢院書籍試祕
書省校書郎知睦州壽昌縣梁燾編校祕閣書籍燾熙
寧二年二月充館閣校勘神宗熙寧元年四月二十
三日度支郎中知桂州張田為太常少卿直龍圖閣知
廣州五月二十五日江南西路轉運使光祿卿程師
孟直昭文館知福州六月二十五日權河北轉運使兵
部員外郎張問直史館知澶州九月二十九日大理
寺丞編校祕閣書籍顧臨充館閣校勘十一月二十
五日廣南東路轉運使司勳郎中王靖為太常少卿直

昭文館知廣州皇城使端州刺史知冀州潘夙改司封
郎中直昭文館知桂州 二年正月二十三日知滄州
工部郎中李壽朋直史館翰林學士司馬光河北相度
河事薦壽朋經地震完葺有勞故有是命 四月八
日兵部員外郎兼起居舍人范純仁直集賢院同修起
居注 七月十四日成都府路轉運使工部郎中李復
圭直龍圖閣權知慶州九月十一日御史中丞呂公著
言伏見祕書省著作佐郎張載為學得修身事君之大
要久在陝西一方士人以為師表前河南府永安縣主
簿邢恕剛毅不撓勇於為善學術操守實賈誼馬周之
流伏望特賜裁擇或召對以觀其才或置之館閣以待

任使詔令閣門引對既對並特命為崇文院校書校書
自是始置有詔須供職二年奏取旨是後非以故罷黜
者皆充館閣校勘 十一月一日著作佐郎呂惠卿為
太子中允崇政殿說書尋充集賢校理 三年五月十
七日兵部郎中張師顏充集賢殿修撰河北轉運使
二十四日工部郎中沈起直舍人院 六月十七日兵
部郎中同知審官西院韓縝直舍人院 二十一日兵
部郎中同知審官西院韓縝充集賢殿修撰縝辭直院
故復有是命 七月十一日三司鹽鐵使工部郎中沈
起為集賢殿修撰權陝西都轉運使 二十五日前陝
州陝縣令范育為光祿寺丞崇文院校書以育嘗召對

言事及看詳轉運文字稱旨故也 九月四日禮部郎

中權三司副使張間充集賢殿修撰河東轉運使 六

日著作佐郎曾布賜對命為太子中允崇政殿說書布

固辭改充集賢校理 二十七日比部員外郎曾孝寬

以父公亮罷相思命充祕閣校理 十月六日職方員

外郎通判寧州鄧綰上書陳利便賜對命充集賢校理

檢正中書孔目房公事 十一月二十五日著作佐郎

編修中書條例張琥充集校理 十二月二十三日太

子中允李定賜對命為崇政殿說書定固辭改充集賢

校理檢正中書吏房公事 四年正月九日工部郎中

兼侍御史知雜事謝景溫直史館兼侍讀景溫固辭兼

侍讀出知鄧州二十五日著作佐郎朱明之賜對命為
崇政殿說書明之固辭改充崇文院校書刪定令式
六年二月充館閣校勘 四月十九日試將作監主簿
常秩賜對命為右正言直集賢院管勾國子監公事秩
穎上人經明行修恬退自守嘉祐中近臣數論之為後召
見不至至是上特起之 七月八日權夔州路轉運使
尚書屯田郎中孫構為司封郎中直昭文館夔州路轉
運使落權字權夔州路轉運判官尚書屯田郎中張詵
為司封郎中直集賢院權夔州路轉運副使 十五日
秘書丞檢正中書戶房公事兼編修條例章惇賜對命
充集賢校理 八月三日著作佐郎同提舉秦州西路

蕃部及市易等公事王韶為太子中允祕閣校理 六
日光祿寺丞知開封府陽武縣崔公度上熙寧稽古一
法百利論賜對命為崇文院校書編修三司令式刪定
官六年九月充館閣校勘 十月二十一日武昌軍節
度推官王安國以翰林學士韓維等薦詔充崇文院校
書六年十一月為著作佐郎充祕閣校理五年二月十
一日著作佐郎王安禮賜對命充崇文院校書 九月
八日光祿寺丞黃履為館閣校勘 十月十八日太常
丞鄧潤甫充集賢校理直舍人院同知審官東院 七
年二月六日祕書丞崇文院校書王安禮為館閣校勘
三月十六日知虔州都官員外郎劉彝直史館知桂

州 十七日太子中允檢詳樞密院兵房文字黎侁充館閣校勘 五月八日河州通判祕書丞鮮于中師以

河州平命為祠部員外郎充集賢校理 十一日湖北

轉運使孫構為太常少卿充集賢殿修撰 十二日太

子中允監察御史裏行蔡確直集賢院權發遣提點開

封府界諸縣鎮公事 二十八日大理寺丞國子監直

講沈季長為太子中允充崇政殿說書太子中允館閣

校勘呂升卿充崇政殿說書 六月二十一日睦州軍

事推官禮房習學公事葉適為光祿寺丞館閣校勘權

檢正中書禮房公事 二十八日太子中允權監察御

史裏行丁執禮充館閣校勘 七月三日權發遣淮南

東路轉運副使太子中允俞充充集賢校理 六日大理寺丞韓宗古賜對命為館閣校勘 十月二十八日太常博士魏王宮教授虞太熙賜對命充崇文院校書 九年十一月充館閣校勘 八年正月二十四日鎮南軍節度推官中書戶房習學公事徐禧賜對命為太子中允館閣校勘權監察御史裏行 四月二十五日皇城使忠州刺史廣西鈐轄石鑒自陳乞復文資詔換衛尉少卿直昭文館 閏四月十二日橫海軍節度推官練亨甫大原府法曹參軍范鏜賜對並命充崇文院校書習學公事亨甫戶房鏜刑房 九年十月亨甫罷黜 十年四月鏜充館閣校勘 八月十四日詔韓琦子忠

彥候服闋除直龍圖閣

二十三日太子中允檢正中

書戶房公事張諤直舍人院檢正五房公事

十月六

穎州進士常立為天平軍節度推官充崇文院校書

十二日右諫議大夫賈昌衡充集賢殿修撰知河南府

十一月二十九日著作佐郎王仲脩賜對命充崇文

院校書同知太常禮院

九年五月二十三日祕書監

高賦充集賢院學士

十年四月三日撫州司戶參軍

太常寺主簿兼禮院檢詳文字黃君俞命充崇文院校

書以樞密直學士陳襄等薦也

五月十九日太子中

允監察御史裏行蔡承禧充集賢校理權發遣提點開

封府界諸縣鎮公事

六月二十五日太子中允樞密

院檢詳戶房文字趙君錫充祕閣校理知大宗正丞事

八月一日舒州團練推官蔡京賜對命為崇文院校

書中書禮房習學公事十月二十六日全部員外郎

呂嘉問為司封員外郎直昭文館知江寧府元豐元

年閏五月一日權發遣三司戶部使尚書兵部郎中陳

安石為集賢殿修撰六日太常博士集賢校理劉奉

世直史館為國史院編修官四月二十三日司監鐵

副使尚書工部郎中李復圭為集賢殿修撰知滄州

二十八日祕書丞崇文院校書范育直集賢院以上批

育數受命案事能以直道自持不為黨勢屈而擢發

姦慝多得隱伏情狀且今士人方以養私庇姦罔上為

俗如育者賞豈宜緩故有是命

五月九日大理寺丞

館閣校勘曾肇為集賢校理

六月四日同知太常禮

院太常丞館閣校勘劉摯為集賢校理九月十一日大

理寺丞館閣校勘韓宗古為集賢校理

二年正月二

十一日大理評事元耆寧為崇文院校書同知太常禮

院以上批參知政事元絳子耆寧訪於士人多其孝謹

觀所為文頗亦典贍故也

三月一日權監察御史裏

行舒亶為集賢校理以上批亶優於辭學詳於吏治自

丞屬憲府能以先後左右朝廷政事為已職責整

四

月二十三日貢州軍事推官崇文殿校書黃君俞為館

閣校勘

六月十六日光祿寺丞陸佃為集賢校理上

批伸資性敏明學術瞻博故擢之 八月五日大理評

事崇文院校書權檢正中書戶房公事蔡京為太子中

允館閣校勘 二十一日權江淮等路發運副使尚書

刑部員外郎盧秉加集賢殿修撰 二十七日修定說

文兼知太常禮院太子中允王子韶為集賢校理十月

四日詳定郊廟禮文朝會儀注所檢討文字祕書省著

作佐郎何洵直為祕閣校理上批洵直資性超敏彊記

多聞故擢之 十一月十八日河東路轉運判官通直

郎蔡燁直龍圖閣知秦州 三年二月十一日祕書丞

崇文院校書王仲脩為館閣校勘二十五日太子中允

張商英為館閣校勘權發遣司農寺丞 八月五日太

子中允檢正中書禮房公事王震為館閣校勘 九月
十一日太子中允館閣校勘權監察御史裏行何正臣
直集賢院兼侍御史知雜事 十一月十八日權發遣
開封府判官尚書屯田員外郎館閣校勘虞太熙為集
賢校理 四年七月七日崇文院校書元耆寧為館閣
校勘勾當杭州洞霄宮令隨侍父絳致仕耆寧校書未
二年特恩也 八日通直郎館閣校勘權監察御史裏
行滿中行直集賢院兼侍御史知雜事 同日通直郎
監察御史裏行朱服為館閣校勘 八月十三日知秀
州華南縣館閣校勘邢恕為史館檢討 十一月九日
朝奉大夫直史館蹇周輔為集賢殿修撰河北都轉運

使兼措置糴使

五年正月二十四日通直郎館閣校

勘范鍾為集賢校理

六年七月二十一日朝散郎守

尚書左司郎中吳雍直龍圖閣河北轉運使 七年二

月三日奉議郎陝西路轉運使范純粹直龍圖閣知慶

州 六月五日權發遣河東路轉運使朝散郎苗時中

直龍圖閣知桂州 二十四日朝請大夫劉忱直龍圖

閣知潭州 七月二十四日權發遣江淮等路發運副

使蔣之琦直龍圖閣 八年五月十八日奉議郎員外

郎文及直龍圖閣知同州及彥博子以彥博乞免兩鎮

節度使故有是命 哲宗元祐元年三月十四日草澤

程頤言蒙恩授宣德郎祕書省校書郎臣昨蒙恩授西

京國子監教授方再辭免未獲進見遽有除命不敢祇受伏望令臣入見從之 五月二十二日判大名府韓絳乞寢子宗師直祕閣之命從之 二年三月二十六日左諫議大夫鮮于侁除集賢殿修撰知陳州中書舍人曾肇言檢詳條制自侍郎至諫議大夫除外官者並與換待制即朝廷擢用及責降者不用此例今來鮮于侁以疾乞郡累章得請即非責降所除集賢殿修撰慮違定制詔候一年取旨 三月二十八日詔職事官許帶職紹聖二年四月二日罷 二年五月十二日朝奉郎考功員外郎歐陽棐為集賢校理權判登聞鼓院先是除棐實錄院檢討官言者論棐之失故有是命 十

六日新知荆南府唐義問除集賢校理 四年二月十
二日左中散大夫太常少卿直祕閣王汾為直龍圖閣
知明州 同日朝奉郎權知曹州韓宗古為集賢校理
知潞州 三月十四日朝散郎江淮等路制置發運副
使路昌衡為直祕閣權知廣州二十八日改知潭州
二十八日朝議大夫直祕閣知潭州謝麟為直龍圖閣
知廣州七月十二日中散大夫充集賢校理蔡河撥發
王哲為直祕閣提舉西京嵩山崇福宮 八月十日權
河東路都轉運使直龍圖閣范子奇為集賢殿修撰充
河北路都轉運使兼外都水使者 五年八月二十四
日祕書省著作佐郎兼侍講司馬康直集賢院管勾西

京嵩山崇福宮以疾請也 十月六日知梓州周尹為

直祕閣 六年正月十九日左朝奉郎集賢校理荆湖

北路轉運使唐義問為直龍圖閣知荆南府 五月十

二日祕書省校書郎黃裳供職及二年為集賢校理

七年正月十一日左朝散郎祕書省正字宗匪躬為祕

閣校理 二月十四日權陝府西路轉運使李南公除

直祕閣 六月十四日徐王府記室參軍龔原帶祕閣

校理 九月二十二日河北路轉運使韓正彥直祕閣

知滄州 十月十六日陝西轉運使李南公直龍圖閣

知延安府 十八日左宣德郎祕書省正字陳祥道為

館閣校勘 同日工部員外郎游師雄為集賢校理

二十二日秘書省著作佐郎徐鐸為集賢校理 十二
月一日集賢殿修撰知襄州楊伋集賢殿修撰知河陽
章衡並除集賢院學士 八年二月四日左朝奉郎直
龍圖閣知荆南府唐義問為集賢殿修撰知廣州 十
九日左朝議大夫權尚書戶部侍郎范子奇為集賢殿
修撰知慶州 十一月二十九日左朝散郎太府卿高
遵惠為集賢殿修撰知河中府 紹聖元年三月二日
給事中呂陶除集賢院學士知陳州 閏四月十九日
權發遣河北西路常平等事陸師閔為直祕閣 六月
二十二日左朝請郎權刑部侍郎杜紘為集賢殿修撰
充江淮等路發運使 八月二日陝府西路計度轉運

使直祕閣穆衍為直龍圖閣知慶州 六日陝府西路

計度轉運使胡宗回為直龍圖閣權知桂州 八日祕

書少監充祕閣校理張舜民為直祕閣權發遣陝西路

計度轉運使 九月十一日太常少卿字文昌齡為直

祕閣 二年正月十二日直龍圖閣章棨為集賢殿修

撰權知廣州 十四日冀王府翊善左朝請大夫李華

除祕閣校理從王請也 四月三日詔職事官罷帶職

非職事官仍舊許帶集賢院學士為集賢殿修撰直集

賢院為直祕閣集賢校理見帶職人並改正七月十四

日祕書少監左朝議大夫晁端彥為直祕閣知峽州

八月十六日詔朝奉郎冀王府侍講李潛為祕閣校理

王以例請也其諸王府翊善侍講記室參軍今後仍舊
只除已帶職人 十月七日權兵部侍郎王古為集賢
殿修撰充江淮荆湖等路發運使 八日右司郎中毛
漸為祕閣校理 十二月二十二日朝奉郎充祕閣校
理權知河中府游師雄為直龍圖閣知秦州 三年四
月四日兵部郎中韓宗古為祕閣校理諸王府翊善
十月三日祕書監王子韶為集賢殿修撰知明州 十
八日權發遣江淮荆浙等路發運使呂溫卿加祕閣校
理以戶部言其職事修舉也 四年七月十九日光祿
卿程嗣恭為直祕閣知揚州 二十一日鴻臚卿呂溫
卿為直祕閣權發遣江淮等路發運使 元符元年正

月三日朝奉郎新除權發遣河北路計度轉運副使呂
升卿加直祕閣 十七日承議郎直龍圖閣熙河蘭岷
路計經畧安撫判官鍾傳特除集賢殿修撰賜金紫
三月十三日朝散郎直祕閣知潭州張舜民為直龍圖
閣知青州 同日朝散大夫權廣南西路計度轉運副
使程節為祕閣校理知潭州 七月二十二日江淮荆
浙等路發運副使呂升甫為直祕閣 十二月三日太
常少卿張商英為集賢殿修撰江淮荆等發運使 二
年正月二十二日朝請郎知海州陸佃為集賢殿修撰
知蔡州 五月二十八日奉議郎權陝府西路轉運判
官李諲加祕閣校理 三年二月十二日降授承議郎

楊畏為集賢殿修撰知襄州 同日朝奉郎文及甫直
龍圖閣知陝州 三月十五日降授承務郎添差郴州
茶鹽酒稅周常為宣義郎直祕閣知滁州 十七日朝
奉大夫知潭州溫益朝請大夫新判南京國子監岑象
求並直龍圖閣 同日承議郎新除尚書司封員外郎
傅楫朝請郎朱紱並直祕閣乘驛赴闕皆潛邸舊僚也
二十五日朝請郎知袁州王古為集賢殿修撰知潤
州 四月三日朝請郎董敦逸為朝奉大夫直龍圖閣
知荆南府 二十一日朝請郎知兗州王欽臣為集賢
殿修撰知潁昌府 二十三日朝散郎知滁州朱服為
集賢殿修撰知廬州 六月十九日朝散大夫太府少

卿賈種民直龍圖閣陝西路都轉運使 七月十九日

朝奉郎提舉南京鴻慶宮唐義問為集賢殿修撰知潁

昌府朝請大夫知鄧州邵虎侖直龍圖閣知秦州 十

一月一日朝請郎提舉江州太平觀韓川為集賢殿修

撰知青州 同日復濮州團練副使劉安世為承議郎

集賢殿修撰知鄆州徽宗建中靖國元年三月十九日

朝奉郎新除祕書少監張耒直龍圖閣知揚州 四月

二十一日左朝議大夫太僕卿盛次中直龍圖閣知鄧

州 六月二十八日左中奉大夫知鄭州趙令鑠直龍

圖閣知河陽 二十九日左朝議大夫直龍圖閣淮南

江浙荆湖等路發運使胡宗回為集賢殿修撰知青州

八月一日朝奉郡知壽州朱紱為集賢殿修撰 九月

二十八日朝奉大夫太僕卿黃寔直龍圖閣知秦州

十二月一日朝奉大夫知湖州徐鐸為集賢殿修撰知

河中府

十一日權尚書戶部侍郎呂仲甫為集賢殿

修撰知應天府權尚書刑部侍郎周鼎直龍圖閣知齊

州 十五日朝奉大夫知滁州范鏜為集賢殿修撰知

澶州權尚書工部侍郎楊康國為集賢殿修撰知陝州

二十三日復朝請郎知濠州鄧極為極賢殿修撰知

潭州 崇寧元年正月七日朝請郎尚書都官員外郎

劉朴直祕閣提點河北西路刑獄 二十日朝奉大夫

陝西路轉運使吳憲直龍圖閣知秦州 八月十四日

復左朝議大夫知應天府呂仲甫為集賢殿修撰 十
五日以光祿卿向紉直龍圖閣知潁州 十七日朝散郎
提舉亳州明道宮文及甫為集賢殿修撰知潁昌府復
朝奉郎致仕鍾傳直龍圖閣知河中府 十二月十日
左中散大夫新知廬州林頴直祕閣知鄧州 二年三
月八日朝請郎淮南江浙荆湖發運使曾孝序為集賢
殿修撰知慶州 九日朝散郎太府卿鄭僊直龍圖閣
陝西路轉運副使 四月七日朝請郎尚書左司員外
郎董必直龍圖閣知荆南府 五月十五日知宣州何
琬奉行茶事率先就緒可除直龍圖閣 八月十五日
詔權通判蘭州王端究心邊事招納有勞特除直祕閣

堯克西路運判免簽書專切管勾措置招納 九月十
五日朝請大夫直龍圖閣提舉成都府利州陝西等路
茶事兼陝西買馬監牧程文邵為集賢殿修撰熙河路
都轉運使兼川陝茶馬 十月二十六日光祿卿魯孝
序為集賢殿修撰知慶州 二十八日朝散大夫張恕
直祕閣知齊州 三年正月二十三日朝請大夫吳安
憲直龍圖閣知鄧州 二月十九日左朝議大夫宗正
少卿鄧祐甫直祕閣知應天府 四月二日光祿少卿
蔡渭直祕閣知貢州 十五日朝奉大夫直龍圖閣河
北路都轉運使梁子美為集賢殿修撰 二十八日起
復朝請郎直龍圖閣陝西路都轉運使鄭僅為集賢殿

修撰 同日朝奉郎河北路指置糴便康位直龍圖閣

五月三日朝請大夫知福州王祖道直龍圖閣知桂

州 五日奉議郎新熙河路轉運副使吳擇仁朝奉直

祕閣 六月十七日詔元絳被遇神考延登近輔以其

子朝奉大夫提點東太一宮耆寧直祕閣提點醴泉觀

十月十六日以朝奉郎直祕閣熙河路轉運副使吳

擇仁直龍圖閣 二十三日權發遣淮南江浙荆湖制

置發運使胡師文計置年額上供前期足辦甚見才嚴

可特除集賢殿修撰 十二月十六日朝奉大夫祕書

監鄧棐為集賢殿修撰知穎昌府朝奉郎知陳州石豫

為集賢殿修撰知鄧州 四年二月二十八日祕書省

祕書郎黃符直祕閣提舉訓釋經義局檢討官 五月

三日光祿卿林邵為集賢殿修撰知潁昌府十日朝奉

大夫荆湖北路轉運判官陳舉直祕閣知荆南府 八

月十五日詔宋喬年昨委察訪熙河付以體究一路利

害今條析來上精微諠博文理優贍可特賜進士出身

仍除集賢殿修撰京畿轉運使 十九日奉議郎宗正

少卿馮澥直龍圖閣知鳳翔府 九月五日朝奉大夫

知鄆州徐彥孚為集賢殿修撰 五年正月十三日朝

奉大夫李諫直祕閣知信陽軍 二月二十六日衛尉

卿趙存誠為集賢殿修撰提舉醴泉觀以其挺之拜相

有請故也 十二月二日淮南江浙荆湖等路發運副

使劉何為集賢殿修撰 大觀元年二月十八日復左

中散大夫王端為集賢殿修撰知廣州三月十五日朝

請大夫直龍圖閣河北路轉運使王博聞為集賢殿修

撰知成德軍 十七日左中散大夫都水使者梁子野

為集賢殿修撰河北都轉運使 五月一日降授朝奉

郎新陝西路轉運使席震直龍圖閣知南府 十一日祕

書少監方會為集賢殿修撰知河中府 二十五日朝

散郎京西路轉運使李諲直龍圖閣淮南江浙荆湖等

路發運使 六月六日司農少卿程伯孫直龍圖閣知

陝州 九月十五日朝請郎司農卿宋聖寵直龍圖閣

知應天府 閏十月七日朝奉郎右正言張茂直祕閣

知鄧州 十二月八日朝奉郎知秀州錢適為集賢殿
修撰知越州 二年二月二十八日降授朝奉大夫知
饒州李孝壽為集賢殿修撰知兗州 三月十二日承
議郎提點荆湖南路刑獄席貢直秘閣知荆南府 四
月七日朝奉郎羅疇為集賢殿修撰知廬州 二十日
左中散大夫光祿少卿董正封直龍圖閣知濟州 七
月二十九日承議郎張翬直秘閣河北路轉運使 尚
書戶部郎中張諤直秘閣河北路轉運使 八月三日
朝請大夫成都府路轉運使何常為集賢殿修撰 十
月二日朝請大夫直秘閣陝西路轉運副使王覺直龍
圖閣知荆南府 三年七月五日中大夫新知越州吳

執中知楊州中奉大夫提舉杭州洞霄宮周鼎知應天府朝散大夫提舉南京鴻慶宮郭知章知汝州朝奉郎提舉杭州洞霄宮吳拭知陳州並除集賢殿修撰十

二月三日朝議大夫直祕閣夔州路轉運副使龐恭孫直龍圖閣朝奉大夫太府少卿張為直龍圖閣知蔡州

四年正月二十六日中奉大夫太常少卿李夔為集

賢殿修撰知鄧州 六月九日朝請大夫太府卿王韶

為集賢殿修撰知蘓州 七月三十日復朝請郎知汝

州慕容彥達朝散郎知滁州席旦通直郎新知温州郭

敷實並為集賢殿修撰 政和元年正月二日詔京東

路轉運副使韓嚮具到自到任後來申請摩書措置振

舉過事件并均節本路財用事目共二十五冊乙夜觀覽頗見用心提振綱維皆有條理不擾民而調度足匪峻刑而姦弊消可特除直祕閣差遣依舊以為守法奉公能吏之勸 三月十四日詔朝散大夫權發遣湖北提刑陳仲宜所言十五事其間糾劾貪贓搜求民隱敷陳利害頗見用心朝奉郎權發遣兩浙路轉運判官賈偉節所言十事頗似可采並除直祕閣 五月十二日朝散郎前荆湖北路轉運副使周紳直祕閣知荆南府

二十六日復中大夫知蘄州馬防為集賢殿修撰知

蘄州 六月二十六日朝奉大夫開封少尹錢蓋直龍

圖閣知開德府 八月九日復朝議大夫提舉亳州明

道官胡師文

為賢殿修撰

九月二日朝請大夫直祕

閣

京畿轉運副使盛章

為集賢殿修撰知蕪州尚書左司員外郎陳邁直祕閣

河北路轉運使朝散郎福建路轉運判官柳度俊直祕

閣陞副使二十三日朝奉大夫陝西路轉運副使陳

敦復直龍圖閣陞轉運使十月六日朝散郎知睦州

李圖南為集賢殿修撰知復州二十七日朝請大夫

太府卿張勵為集賢殿修撰知福州奉直大夫宗正少

卿周邦彥直龍圖閣知河中府二年四月二日詔今

後貼職非特旨不除以臣僚言竊聞端拱元年建祕閣

有夏侯嘉正者見稱於縉紳太宗雅知其名欲加簡拔

一日召試禁中奏篇稱旨始命為直祕閣熙寧中王韶
紹緣洮河戎事有功神考議以直昭文館寵之王安石
言韶功大不辭乃命為直集賢殿居數日以内批再議
韶職貪言洮河事皆韶本謀功賞終未稱乞進除直龍
圖閣神考以為薄始命為修撰由此觀之則祖宗於貼
職華選尤所加重也臣竊惟頃歲以來朝廷稍以職名
旌勸庶官而因緣附麗請記頗多冗濫臣愚深恐清塗
漸塞而礪世磨鈍之具亦將無以示勸矣臣聞昔衛賞
于奚以邑辭請曲樂繁纓以朝許之仲尼聞之曰惜也
不如多與之邑惟器與名不可以假人伏望慈特敕詔
旨自今以勞任事當加旌賞者止以遷職任進官資為

恩典惟殊績異能之士及親加職擢者方許除貼職庶
幾名器增重清塗日闢更加奮勉以興事功上副陛下
釐百工熙庶績之意故有是詔 五月二十七日朝散

郎司農卿王革為集賢殿修撰河東路都轉運使繼而

又改除直龍圖閣 六月二十七日朝奉郎直祕閣提

舉成都府陝西等路茶馬張翬直龍圖閣 八月十八

日朝請大夫直龍圖閣知河中府何述為集賢殿修撰

二十九日朝奉大夫直祕閣梓州路轉運判官趙適直

龍圖閣陞副使 三年正月十八日詔提舉淮南路茶

鹽事黃敦信措置鹽本備足客販流通職事修舉除直

祕閣 二月二日降授朝請郎直祕閣陝西路轉運副

侯臨直龍圖閣知慶州 四月三日朝奉大夫直龍圖
閣梓州路轉運副使趙適為集賢殿修撰陞轉運使
八日復朝散大夫直龍圖閣提舉杭州洞霄宮周秩為
集賢殿修撰知鄂州 十五日中散大夫直龍圖閣提
舉江寧府崇禧觀崔子堅為集賢殿修撰 閏四月十
三日奉議郎直祕閣知荆南府程鄰為集賢殿修撰知
桂州 五月二日降授朝請郎直祕閣陝西路轉運使
陳亨伯直龍圖閣知慶州 七月二十八日朝請郎司
農卿都隨直祕閣知滁州 九月二十日朝散大夫直
祕閣京西路轉運使王璠為集賢殿修撰知平江府
十月十五日通直郎祕書省著作郎李諤直祕閣提舉

江南東路學事

十一月一日復唐州團練副使隨州

安置穆京為朝議大夫直龍圖閣陝西路轉運使

四年二月三日承議郎直圖閣新知虢州任熙明為集賢

殿修撰知河陽 三月二十一日朝奉大夫直祕閣兩

浙路轉運使李偃直龍圖閣 四月十三日京畿轉運

副使趙震直祕閣 六月十二日復朝散大夫提舉洪

州玉隆觀曾孝蘊為集賢殿修撰 十月二十二日朝

議大夫鴻臚卿陳覺民為集賢殿修撰知廣州 五年

九月六日中大夫直龍圖閣權陝西路轉運使吳亮陳

乞宮祠詔亮宣力陝右職事修舉歲計足辦以疾有陳

誠可惻憫宜依所請可除集賢殿修撰提舉兗州大極

觀 十二日朝議大夫張諤直龍圖閣知潭州 十二
月十二日直祕閣江浙等路發運副使徐鑄直龍圖閣
朝奉大夫知貢州詹度直祕閣 六年正月十三日朝
請郎大理卿侍其傳直祕閣知懷州朝散大夫太僕卿
田登直祕閣知拱州 二十四日承議郎直祕閣鄭修
年直龍圖閣宣義郎鄭億年直祕閣 二十八日朝散
大夫直龍圖閣成都府路轉運副使孫義叟為右文殿
修撰知瀘州 閏正月二日祕書丞李良嗣直龍圖閣
提點萬壽觀 二十七日朝散郎梓州路轉運副使王
良弼朝請大夫提舉梓州路常平楊彥章並直龍圖閣
三月二日宗正少卿李邦彥直祕閣與外任 二十

八日陝西路轉運副使孫瑛直龍圖閣知秦州 四月

五日符寶郎葉著直龍圖閣提點醴泉觀 八日朝奉

郎祕書少監方天若為右文殿修撰知泉州 十日詔

祕書省殿以右文殿為名見任集賢殿修撰並改作右

文殿修撰 二十一日尚書右司員外郎聶山直龍圖

閣荆湖南路轉運副使 二十四日尚書左司員外郎

胡直孺直龍圖閣淮南路轉運副使 六月九日朝奉

大夫祕書監蘓燁為右文殿修撰知泉州朝奉大夫司

農少卿劉敷夫直龍圖閣知潭州朝奉大夫張闕直祕

閣陝西路轉運使 十二日降授朝散大夫提點荆湖

北路刑獄毛衍直龍圖閣 十七日詔天下人才富盛

圖閣

趨事赴功者日衆舊貼職唯直祕閣直龍圖直龍圖閣
右文殿修撰不足以待多士可增置直徽猷閣直顯謨
閣直寶文閣直天章閣祕閣修撰集賢殿修撰并舊為
九等 十月十八日承議郎提舉杭州洞霄宮陳邦光
為修文殿修撰 十九日朝議大夫直龍圖閣張諤為
右文殿修撰知桂州 十一月六日朝散大夫直祕閣
陝西路轉運副使任諒直龍圖閣 十二月十日承議
郎直龍圖閣鄭脩年為右文殿修撰 十五日詔文彥
博被遇四朝定儲首議形於先訓雖經黜責悉已牽叙
子維申可除直祕閣與郡 十九日詔祕書省正字張
穆除直祕閣與小郎臣僚言穆資序至淺續用未聞徒

以親年自馬鄉便乃從正字遽爾起躡契勘館職召對
稱旨往往僅擢郎官久次或遷少列由元豐以來未有
無故而得職名詔張穆與小郡其除直祕閣指揮更不
施行 七年三月十五日主管川陝茶事程唐應副陝
西運司年額有勞可特除右文殿修撰 五月二十三
日中散大夫唐懋除直祕閣知和州 六月二日以國
子祭酒路瓘除祕閣修撰與郡 八年三月一日朝奉
郎尚書考功員外郎李邁直祕閣知蔡州 十四日詔
朝奉郎提舉河北東路常平呂頤浩直祕閣再任 十
八日光祿卿王鼎為右文殿修撰提點萬壽觀 四月
三日祕書省著作佐郎馮躬厚直祕閣知秀州 五月

二十三日朝奉大夫提點醴泉觀諸王府贊讀張勸朝
議大夫提舉中太一宮諸王府直講葛次仲朝奉郎提
點萬壽觀兼太子舍人魏憲並直龍圖閣 六月四日
朝奉郎右文殿修撰提舉醴泉觀葉著為集英殿修撰
中奉大夫祕閣修撰京畿路轉運副使趙喙為右文殿
修撰 七月四日詔中書省參照官制格目成書所有
白時中今緣邊事進官可轉兩官並回授內一官與男
彥暉除直祕閣 七日詔朝議大夫直龍圖閣權發遣
兩浙路轉運副使詹度職事修舉應奉有勞特遷一職
充祕閣修撰仍落副字 二十五日朝奉郎提舉兩浙
路常平蔣彛直祕閣本路轉運副使 二十七日朝散

大夫李友聞直祕閣知利州

八月五日承奉郎直祕

閣蔡術直龍圖閣

二十日朝散郎提舉淮南西路常

平蔡佃直祕閣提點兩浙路刑獄

閏九月三日朝議

大夫尚書吏部郎中尚瑜直祕閣知襄州中散大夫莫

璠直祕閣知泗州

二十日尚書戶部員外郎何天衢

直祕閣知常州

二十三日詔泉州市舶官綱應奉有

勞提舉福建市舶蔡栢可除直祕閣

十月二十七日

中奉大夫孫漸直祕閣知梓州

三十日提舉兩浙路

常平趙霖直祕閣仍再任

重和元年十二月十四日

符實郎國史院編修官鄧雍直龍圖閣崇政殿說書

十五日朝奉郎權發遣夔州路提點刑獄公事許京措

閣崇政殿說書

十五日朝奉郎權發遣夔州路提點

刑獄公事許京措置漆樁勝兵有方特除直祕閣

三

十日宣教郎發運司主管公事鄭可簡職事修舉可特

除直祕閣差遣依舊

二年正月六日朝奉郎尚書吏

部員外郎王琮直祕閣提點秦鳳路刑獄

二十一日

朝請郎充祕閣修撰知開德府傳詔夫秦淮詔改僧為

德士寺為宮觀臣布宣聖意人人感悅爭先披戴詔詣

夫奉行詔旨為諸郡之最可特遷集英殿修撰

二十

七日延康殿學士中大夫充醴泉觀使兼侍讀徐處仁

奉詔差知揚州臣長男宣義郎庾見任祕書省校書郎

伏望改授庾一淮浙差遣詔徐庾除直祕閣提點杭州

洞霄宮 宣和元年二月九日詔知明州樓昇職事修
舉應奉有勞可特除祕閣修撰令再任 二月二十三
日中奉大夫司農少卿張璪直龍圖閣提舉陽德觀
二十四日朝散郎祕書省著作佐郎李敦義為右文殿
修撰提舉陽德觀 三月十一日朝奉郎直龍圖閣知
壽春府侯益為祕閣修撰 十八日以明堂頒事蔡佃
為集英殿修撰提舉萬壽觀 四月四日中大夫直徽
猷閣河東路轉運副使王似職事修舉遷直龍圖閣
五月四日中奉大夫祕閣修撰河北路轉運使沈積中
為右文殿修撰同日朝散大夫權成都府路轉運判官
李良佐奏重和二年正月十四日奉聖旨僧已降詔為

德士自二月二十六日至四月九日終其批鑿改易四千九百一十名內德士四千四百七十四名女德四百三十六名別無違戾奉聖旨朝散大夫權成都府路轉運判官李良佐除直祕閣 十三日朝請大夫直顯謨閣淮南路轉運使李^址直寶文閣朝請大夫淮南路轉運判官孫默直祕閣 六月二十日中大夫直龍圖閣河東路轉運使王似為祕閣修撰 二十三日中大夫直寶文閣管勾陳成都府蘭樂秦鳳等路茶事兼提舉陝西等路買馬監牧郭思直龍圖閣 七月二十三日太常少卿許德之直顯謨閣知婺州 八月七日廣東廣西路運副燕瑛奏近各已改正寺觀牌額管下德

士等不候限滿並已披戴詔瑛特除直祕閣 九月十
六日奉直大夫衛尉少卿李孝昌直祕閣 十八日朝
請大夫直顯謨閣陝西路轉運副使李友聞直龍圖閣
陞轉運使 二十七日朝散大夫廣南西路轉運判官
蔡懌直祕閣陞副使 二十八日賜中散大夫知懷慶
府錢伯言進士出身直祕閣 十二月二十四日朝請
大夫曾孝蘊為右文殿修撰提舉西京嵩山崇福宮中
奉大夫提舉南京鴻慶宮李偃朝散大夫提舉亳州明
道宮張滌並為右文殿修撰 二十八日詔蔡確子尚
書戶部郎中承為祕閣修撰提點醴泉觀 二年二月
二十六日朝散大夫尚書左司郎中趙億直龍圖閣江

准荆浙等路發運副使

同日朝請郎直祕閣知秦州蔡

佃直龍圖閣知亳州

二十七日中大夫開封少尹張

徽為右文殿修撰知睦州

三月六日中奉大夫直龍

閣知荆南府劉亞夫為右文殿修撰知瀘州

八日朝

請大夫直龍圖閣京畿路轉運使賈彥為右文殿修撰

八月四日朝奉大夫管勾南京鴻慶宮吳敏為右文

殿修撰

九月十二日詔河北上書人蘓壽吉特與朝

議大夫直祕閣乃契丹監鐵使收燕雲所獲之人也

二十二日中奉大夫直祕閣知襄慶府錢伯言直龍圖

閣二十八日朝請大夫太府少卿呂頤浩直龍圖閣

河北路轉副使

十月五日復朝奉郎馮澥直祕閣承

議郎太府卿方孟卿直祕閣知秦州 十一月二日朝

散郎直寶文閣提舉秦鳳路常平湯東野中大夫直龍

閣河東路轉運副使魏伯文並為祕閣修撰 二十六

日朝請大夫直祕閣字文常直龍圖閣 十二月二十

八日朝散大夫直龍圖閣江淮荆浙等路發運副使趙

億為右文殿修撰朝奉郎新太常少卿魏憲直龍圖閣

知常州 三年正月二十日承議郎直祕閣京東路轉

運副使王子獻直龍圖閣 三月二十八日中大夫祕

閣修撰淮南路轉運使王似為右文殿修撰 四月一

日詔朝奉郎提舉措置河北路糴便公事程邁措置糴

買就緒與除直祕閣 四日降授朝議大夫尚書吏部

郎中黃叔教直祕閣 九日詔中奉大夫直徽猷閣京
東運副李恭昌職事修舉特除直龍圖閣 十四日朝
奉郎通判信州王舜舉直祕閣宣教郎監信州鉛山鑄
錢院權縣事高至臨直龍圖閣知衢州並以捍賊有勞
故賞之 五月十三日詔朝散大夫京畿轉運副使呂
滄除直祕閣 十六日詔朝奉大夫司農少卿錢德輿
除直祕閣添差兩浙路轉運副使朝請大夫淮西路提
點刑獄公事徐閔中除直祕閣 二十一日詔朝奉大
夫江南東路轉運副使李侗為朝散大夫直祕閣 閏
五月二日詔朝請大夫直祕閣江南轉運副使林篴累
年漕計率先足辦職事修舉除直徽猷閣發運副使

六日詔朝請郎直祕閣廣南東路轉運使燕瑛職事修
舉應奉有勞特除直龍圖閣令再任朝奉大夫直徽猷
閣權發遣京西轉運副使時道陳職事修舉特除直龍
圖閣 十三日詔朝奉郎權發遣楚州魯紆可直祕閣

七月八日詔朝奉郎知磁州韓景直祕閣以治郡有
績故寵之 八月十九日詔權發遣法大増魏伯弼宣
力頗多特與轉行階官一等勘會魏伯弼係中大夫直
徽猷閣提舉在京權發遣奉聖旨特授依前中大夫直
龍圖閣 九月五日詔京東西路常平梁楊祖權攝刑
司數覽奏報頗見用心職事擒捕盜賊措置有方落權
字仍除直祕閣 二十二日詔朝奉大夫知台州李景

淵直祕閣

十月六日淮浙江東宣撫使領樞密院事

童貫奏臣近遵聖書平蕩東南群寇事畢內協力應副大軍錢糧等事別無闕悞官降授承議郎知泗州汪希旦乞特賜優異詔汪希旦除直祕閣二十一日詔朝

請郎直祕閣管勾江州太平觀林堯直龍閣以所獻文集可采故有是命二十八日起復朝請大夫直祕閣

提舉陝西河東木柅趙子洳直龍圖閣十一月四日

朝奉郎姜仲謙直祕閣知南府十二月三日詔宣義

郎孔端友襲封衍聖公遷通直郎直祕閣以奉先聖祠

事二十七日朝請大夫知嚴州周格直祕閣四年

正月二十四日詔張商英先帝簡擢嘗位宰府已贈太

保休格外特與遺表恩澤二人子茂為直龍圖閣 二
月二十二日朝奉大夫直祕閣提舉陝西都平貨務李
勣直龍圖閣以復置平貨務歲息增羨故也 三月六
日詔幸祕書省提舉官蔡攸合推恩特許回授男衍術
並除右文殿修撰 十日朝奉大夫提舉成都府等路
茶馬何漸直祕閣 二十四日以朝散大夫司農卿李
文仲直祕閣知徐州 四月十六日朝請大夫直祕閣
河東路轉運使陳知質直龍圖閣朝請大夫直龍圖閣
陝西路轉運副使錢蓋為右文殿修撰宣教郎提舉福
建路市舶張佑直祕閣 六月二日詔直祕閣提點京
東西路刑獄梁楊祖直徽猷閣以修簡軍器有勞故也

六日提舉辰沅靖澧弓弩手司唐慤為直龍圖閣知
鼎州 二十五日朝奉郎太常少卿江緯直祕閣知洛
州 二十六日中奉大夫直祕閣知鄧州王師伏為右
文殿修撰提舉西京嵩山崇福宮 九月二十三日復
朝奉大夫新知萊州趙億直祕閣知明州 二十九日
中奉大夫直祕閣河北轉運副使黃叔教直顯謨閣
十月三日朝請大夫提舉福建路常平趙彥臣直祕閣
五年正月十七日承議郎王辟彊承務郎王辟光並
直祕閣 二月九日朝奉大夫提點京東東路刑獄高
棧直祕閣 三月二十五日故資政殿學士通議大夫
馮熙載妻文安郡夫人徐氏奏欲乞將熙載遺表恩澤

一名換授男正己一貼職詔與除直祕閣 六月七日

詔朝散大夫直龍圖閣河北燕山府路轉運副使黃翼

為祕閣修撰朝奉大夫轉運判官郭琰直祕閣中大夫

直龍圖閣提點河北東路刑獄李孝楊為祕閣修撰朝

奉郎提舉河北東路常平周審言直祕閣並以燕山應

辦有勞故也 十二日朝散大夫直龍圖閣知隆德府

張友極朝散大夫直龍圖閣提舉成都府等路茶事何

漸中大夫直龍圖閣知夔州宇文常為祕閣修撰 七

月三日朝請大夫張慤直龍圖閣河北燕山路轉運副

使 十四日中大夫直祕閣李西美直徽猷閣 八月

四日復承議郎提舉建州武夷山冲佑觀程振為祕閣

修撰 六日降授朝奉大夫祕書監翁彥深為集英殿
修撰知濟南府 二十一日朝請大夫司農少卿郭奉
世直顯謨閣知家州 十月七日復朝奉郎知滁州梅
執禮為集英殿修撰 十一月六日朝奉大夫直龍圖
閣河北燕山府路宣撫司參謀官章綜朝散大夫祕閣
修撰河北燕山府路轉運副使黃翼並為右文殿修撰
六年四月一日中奉大夫直龍圖閣京東路轉運副
使李孝昌為右文殿修撰 三日中大夫直龍圖閣燕
山府路宣撫司參謀官韓壁為右文殿修撰 十日降
授朝請大夫直徽猷閣管勾建隆觀馮躬厚為右文殿
修撰 五月七日詔自今除貼職如未係止法官及無

出身人並取旨應除職者依格次遷不得超授以言者論比歲除授多濫故也 九月十八日中奉大夫直龍

圖閣知懷州李罕為祕閣修撰 十月二十四日詔朝

散郎充高陽關路安撫都總管司勾當公事陳起宗久

任幕下首尾宣勞特除直祕閣 十一月二十四日朝

奉郎尚書虞部員外郎字文時中直祕閣管勾萬壽觀

避粹中親嫌也 七年正月二十二日朝奉大夫江南

東路轉運判官陸寅直祕閣 二月八日朝奉大夫江

徽猷閣新差通判鄧州王枋奏伏覩御筆王安石轉相

神考建立法度弟安國安禮安上亦曾被遇先帝今

其家聞頗零替可特與推恩三房見居長人與除初等

職名姪樸稅各係除職名人績奉聖旨樸改合入官稅
止依餘人轉一官伏望特與推恩詔王樸王稅並除直
祕閣三月七日詔福州通判黃瑒措置御前校正道
藏經雕造有方大興告成首尾管勾有勞可特除直祕
閣四月二日奉議郎尚書駕部員外郎閻孝忠直祕
閣二十五日奉議郎直祕閣高堯氏直龍圖閣承務
郎高堯咨直祕閣二十六日降授宣教郎韓總直顯
謨閣河東路轉運副使降授朝散大夫京東路轉運副
使黃潛厚直祕閣二十七日朝議大夫提舉南京鴻
慶宮朱琳直祕閣知濟南府五月二十八日詔劉燾
嘗任朋堂頌政可依蔡佃等例與除祕閣修撰二十

九日詔符寶郎蔡緒直龍圖閣管勾萬壽觀 八月一
日朝奉大夫軍器少監呂源除直祕閣充兩浙路轉運
副使 十二月二日詔朝散郎權發遣淄州趙明誠職
事修舉可特除直祕閣 二十二日詔起復朝散郎燕
山府路轉運副使李與權可除直祕閣